

2



東城拾遺

仁和陳光熙東昇氏



樊榭山民東城雜記富景園條載宋君臨幸事甚詳且引孝宗紀及葉紹翁四朝聞見錄詩善謂東園密邇北宮乃奉養之地然聞見錄又云高宗經始東園蓋恐頻幸湖山重為國費故園去東門百步而遙落成之頃憲聖駕幸有一門逕通小東園多柏上與憲聖相視而泣連稱相似後幸園中獨不至此左右疑與故京宮相似故重為感傷據此則營建東園猶在定都之頃記中脫載特補于此

德寧精舍

在艮山門之東近城隅百步而遙今名德寧菴國初
有僧心通字德智者隱退于此是僧生而瞽性不茹
幼即受具于古宿年十六夢異人摩其頂曰汝欲明乎
當發願普渡一切覺而兩睛忽痛如病目者已而豁然
重朗淡碧炯然能燭幽隱人有病祟者隨空制譴皆獲
霍然又能前知休咎一時王公大人無不折節性頗恬
朴絕不作世俗矜諱意嘗奉聘一至京師即歸終隱受
法于雲林諦公為臨濟二宗仍退居于此永興潮音皆
其建設年七十五忽辭眾端坐而逝

五間樓

慶春門之北有地名五間樓者不知其所自始按四水
潛夫武林舊事南宋酒樓有熙春三元五間花月諸名
皆無住址可考五間樓之名或與之偶同然近在東門
既有富景園之備蓋幸又有九宮貴人海神等壇之敦
享祀醋庫瓦舍雜沓其中在當日固熙熙攘攘肩摩
轂擊之地也酒樓之設斷斷有之五間樓之名故至今
存也按南宋市樓之表表者酒器悉用銀以競華
私名妓數十輩皆時妝炫服巧笑爭妍夏月茉莉
香滿綺陌凭檻招邀謂之賣客又有小鬟不呼

錄小橋河道南瓦子前曰熙春
佑西曰五間樓蓋與此同名也

吟強聒以求支分謂之擦坐又有吹簫彈阮歌
等人謂之趕趁又有老嫗以小爐炷香為供謂之香
以法製青皮杏仁半夏縮砂豆蔻小蠟茶橄欖薄
至酒閣分俵得錢謂之撒嚙又有賣諸海味者謂之醒
酒口味其餘趕趁不可悉數下酒羹湯任意索喚雖十
筵欲一味亦自不妨供應不許少有違誤酒未至則先
設看菜數楮及舉亦則又換細菜如此屢易愈出愈奇
極意奉承或少忤客意及食次少遲則主人隨逐去之
歌管歡笑之聲每夕達旦往往與朝天車馬相接雖者
雨風雪不少減也繁盛若此可謂銷金窟之尤者也

藥園經始

吳名溢我匏崇正二年補錢唐諸生時復社方行婁東
甬上諸名宿舟車絡繹溢皆與焉鼎革後棄舉子業不
復出兩喪皆廬墓有喪禮註晚年於藥園于東城與嚴
灝亭沈查伊璜繼佐柴虎臣紹炳關六鈐鍵丁固菴文
策素于今祁止祥多佳吳塞翁山濤輩觴詠其中
有藥園盍簪集查伊璜序之略云明季文體詭變尚諸
子百家仙釋語錄贅牙佶屈之文我匏乃沈酣六經
以實義作麟經詮解考三傳互異折衷諸家為春
註嚴司農灝亭嘗與人口林齋標致當推是公

近人物可比卒年七十有六

土橋章氏

章士斐字淇上九歲喪母又一年喪父年十三奉
徐繼母高儻居市樓一椽以居爨突不黔或三旬九食
而性喜讀書家貧不能得油會祖母喪輒就棺下燈燭
而讀之嚴寒無被覆以衰麻卷縮戰之聲恒與歌誦間
出鄰人憐之餉以餅餌淇上進以奉母母不食佯曰已
矣食還以飼孤淇上察母有飢色因大慟母子相持而泣
因益奮勵鑽研六經以及子史百家靡不淹貫而淡自
韜晦不肯苟出與試或強之曰吾學未成也十九歲受

知于邑令魏士章七覆核拔冠軍郡守學使者皆試第
一補博士弟子員旋食餼二十人中聲名鵲起邑令願

咸建嘗會課諸生手兩卷不能定甲乙適臨川陳大士來

杭視承之曰某卷清而之音明堂取禾第如拾芥某卷奇

峭幽折殆昌黎所謂鑿空構立者吾知為古文作家然
鴻飛冥冥非網羅中物也顧笑曰吾固取其必傳者遂
拔淇上為首而以姚文煥次之姚後成進士而淇上竟
以明經老焉為詩澹泊明淨得陶徵士風味年十歲

讀昌黎滕王閣記便悟作文無成法故嘗自闢蹊
肩襲前人一字所著有花隱亭詩文集及天台

縣志評述有國語國策莊子水經註讀漢書記
家詩乘韓昌黎集李長吉集纂輯有玉海名山記
義職林故事荆川稗編訂補行世者有治平略年
一卒時母高尚在子三人長戡功次撫功次藻功
戡功字服伯母沈孕二十四月而生生而髮覆眉目幼
凝重不苟言笑九歲通五經捉筆能文屢躋童子試年
三十八始受知于督學劉公霖案卷而服伯歿已四日
矣善詩古文纂輯新舊唐書六十二卷尤精點染師董

巨惜少傳者

撫功字仁豔歲貢生

藻功字豈績康熙癸未翰林最善駢體嘗受業于陸拒
石之門著有思綺堂集三章竝有才名時人為之語曰
出門不要狂或恐遇三章竝住土橋

東暉草堂

僧如理號日齋幼祝髮于東鄉辨利院性耽吟詠能詩
畫少年即已表表流俗康熙間築室于城東馬路之西
曰東暉草堂即滿月菴也前臨小池後栽脩竹東偏土
地平曠朝曦初上雲容曙色近在籬落間綠野青畦
望一色亦絕勝處也先子半村先生過東暉草堂
齋僧詩云平疇遠接城東麓竹樹繞廬聲寂寂

僧號日齋不務焚脩務明讀學詩初學信天竺

學米南宮無聲有聲竝叫絕方袍絕俗真猶龍

多閒特靜雲山不礙惟所性天光雲影倒映之從中

脫亦凡近開士幽居祇樹林遠公何必廬山岑他年藝

苑有禪悅皓月光中同素心晚年九愛畫竹嘗師法曦

菴弟子亦娟淨絕塵其萬竿煙雨不減宋人詩尚澄淡無蔬

筍氣有學圃堂草然亦散失今略其近體數首于此贈

定章上人云東郭棲處隱滌月有清池甲子何須問梅

花記歲時贈別海昌陳南陔秀才云已訂西湖約來看柳新

塵勞如暫息莫負武林春晚眺云遠峯落日影微微信

步涼風透袂衣人向白雲堆裏坐鳥從流水澗邊飛了

無塵慮妨清興却與靈山共化機画意詩情看不盡數

聲清磬出催歸山行云幽嶺清宵步步閒攀蘿躡磴翠

微閒不知踏破雲千疊遙望西湖小山臨江鄉人吳

西林穎芳嘗寓其所樊榭山民訪西林過滿月精舍詩

不見幽人久香林興獨乘學多先識字年長欲依僧竹

影埽空壁蟲聲棲壞塍秋蟾圓幾夕靈鷲約同登

東臯先生

張右民字用霖其先閩人祖國善以明經遊學

閩亂遂家于杭右民為南湖葛屺瞻寅亮高

不讀啓禎聞與龍門諸子創為登樓文選風
闖亂條時務十四事欲上達南都且致書劉

周筮卦得遯不果乃隱處城之東偏講學授徒

笑者咸集毛馳黃以古文名家亦出其門康熙癸亥與

脩淅江通志郡邑志詔舉鴻博先達以右民薦固辭

人外溫和而內剛介砥礪朋儕獎引後進主持東南名

教者垂數十年年八十三卒學者為東阜先生著有

東阜詩文集甲申疏稿史論史略凡若干卷學院周允

與請崇祀鄉賢

按龍門子如儲陸麗京圻陸梯霞塔應嗣寅撫謙世

律如大緯朱全古東觀柴虎臣紹炳陳際叔汪會虞異

羽汝翼毛稚黃先舒

胡龍川

胡澣字克生號龍川少從司農嚴作亭學得聞道于三

嚴先生喜學書前輩俞時篤工虞褚書誨之曰當從顏

家廟入手碑從此精進尤工篆隸書自逸少而下凡唐

宋元明諸家一經臨摹無不神似性癖喜與貧賤交

罵富人勿與通尤精鐵筆頗能詩多先解脫語

友人章仁豔往為棺殮後其門人蔣宏道葬

丁敬身云龍川工書畫篆刻生平以米海岳

摹孫漢陽所畫海岳小象刻石後署弟子如
體以小楷為入神品愈小愈佳于文太史外

毛春草

毛宗文字建平號阜亭主人稚黃先生猶子少習錢
以好學為眾所惡後發憤讀書工詩精于楷書以春
十律得名人稱春草先生

丁奇遇

讀書社中有奇遇者字孟嘉嘗讀禮記疑其註有未善
覃精研義輒至夜分心有感觸拍案狂呼曰始得聖賢
有集十卷意矣

湯鄰初

湯煥字堯文嘉靖乙卯舉人工書神宗時召為翰林院
待詔家居日嘗遊巷陌其孫從值歲除見書春聯者輒
借筆書之其人怒煥謂之曰第言一鄰初書價當十倍
其人媿謝為縱筆盡書之後待詔金馬門以資格僅為
贛州郡丞有能名告歸後家無餘金以字學為生計嘗
遣女無他裝以十箱贈之皆署所書曰寄語郎君尔公
遣嫁時心力盡矣同里許光祚靈長得煥書法
為湯許靈長以萬厯庚子舉于鄉知太平縣亦

佛印

僧了元字覺老浮梁人少居蠟燭菴二

日誦詩千首稍長喜楞嚴語投寶積寺主僧命

大木橫門內主僧呵之曰出家正求如此蓋示閉

後入釋得旨于納公與郡守蘇軾倡疇時相策勵

無碍肆口而談無非般若神宗賜號佛印後與客語切

心一笑軒渠而化 又嘗開講于長明姚園二寺

南土門市北土門市

城東清泰門吳越時南土門故址也稍北慶春門為北

土門宋名東青今東青巷乃其故址南土門之名宋時

已廢有市循其名曰南土門市咸淳臨安志云南土門

市在崇新門外北土門市在東青門外按武林舊事新

門外南土門有蟹市東青門有菜市菜市即今之菜市

橋其為北土門市無疑若南土門市殆為今之羊市

俞企延

俞時篤字企延少時有聲庠序與朱全古東觀章淇上

士學創為古學士林咸推重之杭自明神宗時湯待詔

煥以字學應詔同里許光祚以名孝廉受業于湯得士

法煥書晚益道勁餘杭嚴徵君調御工小楷稱精

延盡窮其妙請乞嘗滿門至廢七著老而貧頗

給晨夕間學畫遂與北苑南宮相頡頏

下筆好事者期必得之為具以請笑授
水清絕僅活俞生鱸粥可詩亦清麗有法度

愛蓮堂記戴表元

相臺唐伯榮所居錢唐之東城有池焉植蓮其中歲
亥孟秋既望其蓮生一莖雙花圃人以瑞告錢唐好事
者既繪為圖畫以相傳誇說交遊士大夫且將作為詩
詞以相稱贊許羨伯榮于是取周公語名其竝池之
堂曰愛蓮初伯榮盛年懷牒而南嘗仕矣驅馳未幾何
有浩然之志乃移其材謀之可辨于疎煩劇劇者經營
池臺位置花石費不傷煩清不苦寂值佳風晴月體中

欣暢即扶藤而遊班荆而休自有道者窺其微固以為
不減千戶侯樂至是雙蓮生若造物佳其安恬而設幻
以娛之者夫蓮之德元公以配君子君子者之居于世
以孝弟為根株貞恪為跗蒂材敏也條蔓詞章為枝葉
華藻能是矣視浮名外物之來如暄涼榮瘁之制于天
培覆壽夭之存乎人者吾所不願而要其定焉彼亦不
能違初伯榮兄弟居家有睦行莅官有能蹟蓄奇書
名士彬彬然興于文學是能備君子之德而能知
居其祥矣故為之記

楊廉夫委順齋銘

地不洛橘天不逢蓮順不吾委違地違
物自然

慈雲寺

姚廣孝慈雲寺序略云慈雲者境超諸刹名甲虎林
接天光堂開雲氣觀左江而望右湖面南山而背北岩
香風時來天樂常作月色與宏鐘共朗潮音與法鼓齊
鳴池養化龍之魚井沛甘露之液高梧棲鳳清篠鳴鑿
蒼松勁柏爭陰紅日丹霞競彩秀生佳木香發野芳其
于四季陰晴六時含吐千變萬狀詎可殫述吳用先詩
云水綠山青列上方苔深竹暗野花香赤松高下消餘

暑惟有甘泉徹骨涼四圍秋色靄慈門百雉城頭繞白
雲莫說蕭然無法侶幽禽危石共為羣

穆門先生題張卿子遺像詩

一從大隱葬西湖滿鏡春風出畫圖何事塵埃有遺影
不教色相入虛無跡似林逋長子孫術如倉扁道心存
至今閭巷呼名姓認得先生舊里門

蓬菴

蓬菴者湯西崖少宰之祖名之奇字穉常所築室也
東園之北隅讀書灌園課子姓其中穉常少穎悟
傳讀書目數行下比一年即能握筆作文

肩襲前人字向先生長者矜許之萬麻也
至江西瑞州府知府丁母憂居家閣門謝
薦以疾堅辭著有蓬菴文類二十卷

道光丁酉奏梧桐鄉人汪之翼校讀壹遍

道光丁酉年聽江馬儒升手錄

咸豐乙卯十月望梓臣文房重鈔

東城拾遺



